

漢

書

疏

證

漢書疏證卷四

吳 沈欽韓撰

百官表爲後來職官志之祖述其創造畧舉大凡使條貫可循而已西京員吏多至十三萬通官劇職見於書中纔十之一沒而不彰品簿所遺者多矣史記倉公語左右關都尉又宜屈曲任氏爲督道倉吏此類並從取證不知凡幾以表言之一將軍一畧令官聯股輔並無分張郡國縣道曹局實繁觀漢碑張納曹全左右題名史固不能瑣瑣科條之或憑藉古制或因事立名千品萬彙兼管一卷苟非多識博聞參攷羣籍恐不能通其

讀而言其義也鄭君注周官取證於漢事古今參會方
爲通儒東京之世述漢官者衛宏王隆胡廣蔡質應劭
丁孚等今已無全書劉昭注續志雖號詳贍了無考證
觀劉熙之釋誠爲鄙陋韋昭之辨亦極凡鄙唐宋類書
雖上沿漢制虞世南不分守相長相杜佑不知漢博上
本屬太常李昉等彌復泛濫馬貴與因循舊典不解讀
儒林傳序概可見已然沈約作宋志謬承讖記云舜爲
大尉操史筆者猶然况瑣瑣鈔撰者乎 欽韓 不揣愚陋
隨名證佐稍參駁異亦據本書具其品秩遷轉本表及
續志已詳者畧之附以選舉庶資蒙拾焉

相國

列國置相故曰相國本紀赧王五十八年三晉距秦周

令其相國之秦則周亦自同諸侯也

吳越春秋稱伍子胥爲相國此沒後

俗稱內外傳史記並無

趙世家烈侯相國公仲連始見相國其將

率有功亦與並置廉頗爲假相國是也亦以尊寵他國之人趙王以相國印授樂毅蘇秦并相六國公孫衍爲約長佩五國相印漢初以韓信爲相國諸侯王亦並置相國及命下既定終相國者惟蕭何曹參而已他皆征伐權置及高后時呂產不久被誅

高帝末樊噲以相國擊盧縮惠帝

除諸侯王相國法更爲丞相訖於漢魏非人臣之位矣

丞相

嚮子卿相者諸侯之丞也古第曰相定元年傳仲虺居
薛爲湯左相君夷序召公周公相成王爲左右襄二十
五年傳崔杼立景公而相之慶封爲左相此兩人分左
右之名也秦本紀武王二年初置丞相樛里疾甘茂爲
左右丞相甘茂傳茂爲左丞相以樛里
子爲右丞相似並以右爲上始皇刻石瑯邪
丞相隗林丞相王綰史沒其左右之名耳三十七年始
皇南游左丞相李斯從右丞相馮去疾守是左右之明
文也按他國稱相國本與秦丞相同至莊襄王元年呂
不韋爲丞相莊襄王薨太子政立尊不韋爲相國仲父

則相國尊於丞相漢高做之十一年進蕭何爲相國漢

初置一丞相

二年曹參爲假左丞相樊噲擊陳豨遷左丞相酈商破臧荼遷右丞相皆權授征伐

事訖

惠帝置左右位次先右

王陵爲右丞相陳平爲左丞相陵免徙平爲右審食

其爲左誅諸呂周勃爲右丞相

位第一平徙爲左丞相位第二勃罷仍合爲一武帝以

劉屈氂爲左丞相分丞相長史爲兩府以待天下之選

然終無有拜右丞相者至田千秋仍合爲一始常列侯

爲之

申屠嘉以關內侯故邑改封故安侯

至公孫弘以布衣至丞相特封

平津侯其後丞相故事皆封侯

平當哀帝時爲丞相以冬月先賜爵關內侯未

及封而列侯貴戚始不並進以妨賢焉

惟成帝王商以左將軍樂昌侯

爲丞

相封率不過千百

朱博代孔光爲丞相封陽鄉侯食邑二千戶博讓曰故事封丞相不

滿千戶獨臣過制凡材任宰相皆歷試政事宣帝察蕭望之材任

為宰相欲詳試其政事復惟匡衡以儒學為官不出長

安至丞相有缺則從御史大夫為之劉屈氂以涿郡太守韋賢以長信少

府張禹以光祿大夫翟方進以執金於事無所不統故

吾此其偶然者亦自左右將軍遷鄧通近臣申屠嘉以檄召詣丞相府詰責曰君除吏盡

未我亦御史大夫雖稱三公與丞相懸絕蕭望之為御

史大夫奏言三公非其人則三公為之不明咎在臣等

上以望之意輕丞相責問故事丞相病明日御史大夫

丞相後丞相謝大夫少進謁自石慶為丞相中國多事九卿更進用

事不關決於慶昭宣以下大將軍輔政始有中朝外朝

之分

霍光謂車千秋始與君侯俱受遺詔今光治內君侯治外宜有以教督成帝時諫大夫劉輔繫掖庭

秘獄中朝左將軍辛慶忌右將軍廉褒光祿勳師丹等俱上書請之四時行園陵張湯以

時行園盜發孝文園陵瘞錢欲致其文丞相見知又孔

光爲丞相四時行園陵官屬以令行馳道中司隸鮑宣

沒入其車馬其府亦謂之殿天子幸府與議大事州郡上計

及有疑獄讞府決之御覽三百八十八風俗通曰陳留

有富室公年九十無子娶田家女爲妻以交接卽氣絕後生得男其女誣其淫佚有兒曰

我父死時年尊何一夕便有子爭財數年不能決丞相

酈吉出上殿決獄云吾聞老公子不耐寒又無影時歲

八月取同歲小兒俱解裸之此兒獨言寒復令並行日

中獨無影大小歎丞相致仕自韋賢始于定國等遂爲
故事漢官舊儀曰皇帝在道丞相迎謁謁者贊曰皇帝
爲丞相下輿立乃升車皇帝見丞相起謁者贊稱曰皇

帝爲丞相起立乃坐太常贊稱敬謝行禮

翟方進傳丞相進見聖主

御坐爲起

在輿爲下列侯爲丞相號君侯

漢書中稱君侯皆丞相也大將軍雖封侯惟稱

將軍郡國守丞相長史上計事竟遣君侯出坐庭上親問

百姓所疾苦計室掾吏一人大音者讀敕畢遣

敕亦見續漢百

官志劉昭補注中上計事見循吏傳茲不具錄

丞相有病皇帝親至問病從西

門入通典云及瘳視事尙書令若光祿大夫賜以養牛

上尊酒按匡衡平當俱賜養牛上尊張禹加賜黃金一

百斤此亦漢儀今及本偶脫之也又史記公孫弘傳後

太皇太后詔曰弘以病乞骸骨孝武皇帝卽制曰云云

賜告治病牛酒雜帛居數月有瘳視事此則其儀久矣

卽薨移居第中車駕往弔賜棺斂具贈錢葬地葬日公卿以下會送有天地大變天下大過皇帝使侍中持節乘四白馬賜上尊酒十斛養牛一頭策告殃咎使者去半道丞相上病使者還未白事尙書以丞相不起病聞翟方進傳如淳引作漢儀注此無注字蓋鈔撰者脫之考方進前未有其比或儀注轉據爲故事耳丞相不勝任使者奉策書駕驄駱馬卽時布衣步出府免爲庶人匡衡薛宜孔光等蓋如此丞相有他過使者奉策書駕驄駱馬卽時步出府乘棧車牝馬歸田思過景帝時周亞夫武帝時竇嬰成帝時王商蓋如此以本有封爵歲舉秀才一人廉吏六人蕭咸以丞相史舉茂才爲好時

令

大司徒

呂覽應言篇魏令孟卬割絳絳安邑之地以與秦王王
喜令起賈爲孟卬求司徒於魏王魏策作芒卯按芒卯
相魏故秦策昭王謂左右曰今之如耳魏齊孰與孟嘗
芒卯之賢蓋相者通稱官則司徒也哀帝改丞相爲大
司徒猶居大司馬之上王莽置十一公而丞相之任微
矣

長史

李斯爲卽說秦王拜爲長史續漢百官志曰長史一人

千石

張湯傳三長史朱買臣王朝邊通合謀陷湯師古謂守者非正故有三非也武帝自以丞相事多故

多置其員不爲守者異正也劉屈氂黃霸以廷尉正守爲左丞相分丞相長史爲兩府是也

丞相長史坐夏侯勝非議詔書霸阿縱不舉劾繫獄當

死蓋長史如御史按劾殿中也總署諸曹統刺郡國

先

生史記田仁爲丞相長史仁上書天下郡太守多爲姦利三河尤甚臣請先刺舉三河是時河南河內太守皆御史大夫杜父兄弟河東太守石丞相子孫也仁已刺三河三河太守皆誅死武帝時盜賊

滋起以丞相長史與御史中丞督之

東西曹史

丞相自辟除

薛宣字贛君爲不其丞太守趙貢甚說其能曰贛君至丞相我兩子亦中丞相史

選長史及府寺右曹

張湯以茂陵尉丞相田蚡徵爲史曹參爲相國擇郡國吏長大訥於

文辭謹厚長者卽

召除爲丞相史分掌曹事按驗覆劾號爲宰士股肱

丞相

司隸校尉涓勳奏言丞相宜請遺掾史以宰士督

應召

下丞相御史按驗按事丞相史乃與立成書云僕

爲宰相

執事顧少聞風聲又紅陽侯王立占墜民草田

數百頃

丞相司直孫寶聞之

出補六百石吏若治劇爲

遣丞相

史按驗發其姦劾奏

令

陳遵

呂爲丞相史司直師丹見宮行能潔遷廷尉平有

史有小史

丞相少史王壽以

漢官舊儀丞相初置吏員

十五人皆六百石分爲東西曹東曹九人出督州爲刺

史

丞相刺史常以秋分行部御史爲駕四封

西曹六人

其五人往來白事東廂爲侍中

宋書百官志侍中本秦丞相史也使五人往來

殿內東廂奏事故謂

一人留府曰西曹領百官秦事

儀又云

百石屬不得白事當謝者西曹掾爲通謝部吏

二千石

初除詣東曹掾拜部謁者贊之此西曹領府事

東曹主郡國事以丙吉傳證之更明也 武帝元狩六年丞相吏員三百八

十二人史二十人秩四百石少史八十人秩三百石

續志

東西曹掾此四百石餘掾此三百石非也漢世登此者爲美仕行其人與否

在乎府主鹽鐵論文學謂丞相史曰今子處宰士之列無忠正之心枉不能正邪不能匡輔桀者不爲知爲桀歛者不爲仁其時丞相車千秋也當周亞夫爲丞相趙禹爲丞相史府中皆稱其廉平然亞夫弗任曰極知禹無害然文深不可以居大府此深得宰相之體矣

諸掾屬

漢儀曰屬百人秩二百石屬吏百六十二人秩百石

皆從同秩補

如以郡國百石史補百石屬史之比

掾史見禮如師弟子白

錄不拜朝示不臣也

大夫不純臣家臣之義

聽事閤曰黃閤無鍾

鈐掾有事當見者主簿至曹請不傳召掾見脫履公立

席後答拜諸吏初除謁視事問君侯應閤奴名

宋志有蒼頭字

宜祿每有所歸白到閤

輒傳呼宜祿以此爲常白事以方尺版叩閤大呼奴名

掾史有過君侯取錄推其錄三日白病云

丙吉爲丞相掾史有罪減

不稱職輒子長休告終無所

按驗公府不按吏自吉始鄭崇爲丞相大車屬卽御

屬

晏子雜篇薦相御以爲大夫亦謂之御史詳後書百官志

主簿

主簿宣敕命出入導引丞相王嘉召詣廷尉主簿曰將

相不對理陳寔

二世時丞相去疾將軍劫下吏曰將相不辱殺漢以爲故事

以爲故

事君侯宜引決

續志閣下令史主閣下威儀然主簿即閣下令史也

斗食

漢儀曰斗食缺試中二十書佐高第補因爲騎史

騎者衣絳

又令史皆斗食

佐史

卽書佐趙禹以佐史補中都官用廉爲令史按司馬彪

注曰漢舊注公令史皆百石今此云斗食疑彪所言爲

誤

計相

晏子諫篇景公燕賞於國內萬鍾者三千鍾者五令三
出而職計莫之從公怒令免職計按此卽掌財物計簿
者也漢初天下新定戶口圖籍尤宜釐正故張蒼以列
侯爲計相居相府領主郡國上計後以其職分於東曹
戶曹

丞相徵事

昭帝元鳳元年丞相徵事任官捕宰斬反者上官桀封
侯文穎曰徵事位差尊於掾屬如道曰宮時以事召待
詔丞相府故曰丞相徵事按劉辟疆子德時詔丞相
府如道說是也西域傳丞相御史奏請屯田輪臺以東
遣徵事臣昌分部行邊

丞相司直

淮南主術訓湯有司直之人其義本此位次在司隸校

尉上武帝田仁自京輔都尉遷丞相司直後多以大夫

博士若部刺史遷補平當以博士蕭望之龔勝以諫大

方何武自揚州孫賓夫師丹以光祿大夫翟方進自朔

自冀州刺史遷補丙自御史大夫以下外而州郡並

按法奏劾司直繁延壽劾奏御史大夫蕭望之遇丞相

大夫平當言方進國之司直不以道德輔正丞相司直

郭欽奏豫州牧掾宜舉措煩苛代二千石署吏宜坐免

襲勝爲司直郡國皆憤選元壽末隨府改稱大司徒司

舉三輔委輸官不敢爲奸

直陳崇爲之因佐莽御覽二百五十三漢名臣奏

直特按長史將簿中二千石奏事皆與其

丞合緣以臣下各得盡心竭誠而事公朝

太尉

呂氏春秋孟夏命太尉贊俊傑

春秋通斗樞曰舜以太尉受號卽位爲天子蓋

後人以太尉爲上公舜納百揆受禪故傳致之

尉武官也秦趙諸國皆置本名

國尉商子境內篇曰國封尉短兵千人白起以左遷國

尉始皇十九年以大梁人尉繚爲國尉趙以許歷爲國

尉漢王定三秦韓信爲韓太尉

漢初諸侯王國皆置太尉官

高祖擊

項羽以盧縮爲太尉縮爲燕王數年缺人周勃一爲之

孝惠六年置太尉官勃爲之

說詳太尉表

自勃後居此官者

灌嬰周亞夫田蚡三人而已宣帝時丞相黃霸薦侍中

樂陵侯史高可爲太尉天子使尙書召問霸曰大尉官

罷久矣丞相兼之所以偃武興文也戾太子反帝使丞相劉屈氂將與太子戰則丞相兼太尉之事霸懋謝而史高後竟爲大司馬車騎將軍名異實同特飾詞以窮霸耳

御史大夫

御史本周官秦以大夫爲之率始皇初并天下御史大夫馮劫與丞相王綰其議上尊號自後承詔集議皆與

丞相並高祖始以周苛爲之諸侯王國亦並置景帝中

三年罷之漢初征伐亦權授

灌嬰以御史大夫追項羽至東城

詔命出

御史大夫下丞相丞相付外施行

高祖紀御史大夫昌下相國相國下諸侯

王史記三王世家御史大夫湯下丞相青翟

大事並制詔丞相御史丞相有

事則獨制詔御史

武帝制詔御史以劉屈氂爲左丞相成帝免丞相王商制詔御史赦商罪

收丞相

封諸王上與地圖

三王世家太僕臣賀行御史大夫事昧死奏與地圖請所

立國

差次列侯國邑戶口

高帝南過曲逆顧問御史曲逆戶口幾何對曰今見五千

餘戶於是詔御史更封陳平爲曲逆侯元帝制詔御史賜蕭望之關內侯爵食邑六百戶職在總領

天下遣御史案州郡

蕭望之奏東郡太守韓延壽事

張湯爲御史大夫

爲天子信任丞相充位而已有缺選第中二千石補御

大夫李延壽卒上使侍書選第中二千石下詔剛強堅

固確然無欲太鵠臚馮野王心辨善辭可使四方少府

五鹿充宗廉潔節儉太子少傅

張譚其以少傅爲御史大夫九卿次第不分前後材

能高者便爲之三輔二千石聞與焉

任敖張蒼申屠嘉卜式以守相爲御

史大夫衛綰丙吉韋玄成以

漢書儀曰御史大夫寺在

太子太傅王嘉以京兆尹遷

司馬門內無塾門署用梓板不起郭邑題曰御史大夫

寺

大夫初拜策曰惟五鳳三年正月乙巳御史大夫之官皇帝延登親詔之曰御史大夫其進虛受朕言朕

鬱於大道獲保宗廟兢兢師師夙夜思已失不遑康衢書思百姓未能綏於戲御史大夫其帥意盡心以補朕闕於戲九卿羣大夫百官懍懍不勅於厥職厥有常辟往悉乃心和裕開賢俾賢能反本又民靡諱朕躬天下之眾受制於朕以法爲命可不慎歟於戲御史大夫其誠之大夫見孝廉上計承長

史皆放官司馬門外比丞相掾史白錄

敕上計承長史語劉昭引入籍

志茲不詳述

綏和元年改大司空者封侯比丞相

自此彭宣以往爲大司空者封侯比丞相

丞

贊佐大夫爲府中元僚與丞相具史考按刑獄逐捕盜

賊武帝時滅宜遷御史丞使治上父讎及淮南反獄所
 以徵文深詆殺者甚眾廣川王去事發天子遣大鴻
 臚丞相長史御史丞廷尉正雜治鉅鹿詔獄又按武帝
 使御史中丞丞相長史督捕盜賊成帝陽朔三年潁川
 鐵官徒申屠聖等自稱將軍遣丞相長史御史
 中丞逐捕皆衍中丞居內不與外事也 職同丞
 相長史檢察郡守二千石御史大夫張忠奏免京兆尹
御史丞楊輔所後隨府改為大司空長史表云元壽二
傷害建此議更名御史長史按年御史中丞
 衍中字及御史字

中丞

鄭注周官小宰曰若今之御史中丞也別居內臺不屬

御史本名中執法高祖詔御史中秩卑而權重內掌文

書總領州郡奏事執法殿中御史大夫張湯故與中丞

李文有隙從中文事有可

以傷湯者不能爲地又侍御史嚴延年劾大司農田延年事下御史中丞請責延年何以不移書官殿門禁止大司農於是覆物延課第諸刺史一切舉劾薛宜以明年關內罪人法至死習文法舉奏卻刺史二千石所取退稱白黑分明又大將軍王鳳風御史中丞劾奏瑯邪太守馮野王賜告養病私持虎符出郡界奉詔不敬免漢官解詁曰權次尙書御覽二百凡

吏民上書處議當法並下中丞

魯謁居第使人上書告湯事下中丞減宣司隸

王尊劾奏丞相匡衡等下御史中丞問狀劾奏尊妄誣欺朱雲爲槐里今有司考雲風吏殺人御史中丞陳咸爲定奏草求下御史中丞司隸鮑宣沒入丞相孔光車馬摧辱宰相事下御史中丞又光祿大夫龔勝與博士夏侯常爭言事下御史中丞劾奏勝常皆不敬又薛宜子況賅客揚明遮研博士申威宮門外御史中丞眾等奏況首爲惡明平傷功意俱惡皆大不敬棄市漢舊儀曰御史中丞督司隸宮中詔記皆封御史中丞印趙昭儀等皇子特詔記盛以綠綈函封御史中丞印付掖庭獄丞籍武按此小宰職

理王宮政進退侍御史翟方進進御史大夫舉掾隆可

令是也欺誦不宜執法近侍

侍御史

本以法令文字為職御史掌贊書鄭云王有命當以書致之則贊為詞若令尚書作詔文

老聃為周柱下史張蒼於秦時從御史主柱下方書藏

於壁柱間晏子病將死鑿楹納書此類亦漸為侍從董督之官左右人主

出銜詔命諸國並有之趙策張儀說趙王曰獻書於大王御史滑稽傳淳于髡曰御史

在前二世即位遣御史曲宮乘傳之代賜蒙恬死蓋秦

急文法御史之威始於是矣始皇使御史悉按問諸生是也冠法冠曰

柱後御史按淮南主術訓楚文王好服解冠楚國效之

高誘曰獬之豸漢世掌考劾收轉舉人大朝會執簡糾冠如今御史冠

舉違失續漢志十八人信威儀有違失則劾奏按叔孫通定朝儀御史執法舉不如儀者輒引去多

以三府掾屬選補趙禹張湯以丞相史兒寬嚴延年諸葛豐以御史屬杜邺以衛將軍主簿

武帝多事務在文深猜禍故廷尉臧亦多為御史王溫舒尹

等孝廉四科中有曰按章覆問文中御史則其選甚重

矣然徒以文法取之亦不離俗吏之為耳漢舊儀曰御覽

二百一十七引御史員五十四人皆六百石其五十人衣絳給

事殿中按後殿中侍御為御史宿廬在石渠門外

史之名始此

治書侍御史

續志注胡廣曰孝宣感路溫舒言秋學後請獻時帝幸

宣室齋居決事令侍御史二人治書治書御史起於此

與符節郎其平廷尉奏事御覽二百二十六風俗通曰頃者廷尉多牘面而苟充茲

位治書侍御史不復平議諫當紛紛豈一事表云御史

故里語曰縣官漫漫怨死者半則從前可知治書有印綬按梁書文苑傳何思澄遷治書侍御史宋

齊以來此職稍輕天監初始重其選車前依尙書二丞

給三騶執盛印青囊舊事糾彈官印綬在前故也崔豹古今

注奏劾者則以青布囊盛印於前示奉法而行非奏劾

日以青縑爲囊盛印於後謂奏劾尙質直故用布非奏

劾奏之官專以印居前非者居後

監軍御史
秦本以御史監郡按古無監軍之法始皇使長子扶蘇

北監蒙恬兵於上郡此猜忌之主所爲而史遷記司馬
穰苴爲將軍請景公寵臣莊賈爲監軍以近制傅會古
人類鄙俗小說豈足爲信史漢罷太尉有北軍無大將
故以御史監之

任安爲監北軍使者
坐受展太子節腰斬

符璽御史

趙堯爲符璽御史其屬有符璽郎漢舊儀曰御史二人
尙璽

督盜賊御史

武帝權置王溫舒尹齊楊僕等俱以御史督盜賊其後
有直指夏蘭之屬

江充爲直指繡衣使者督三輔盜賊
禁察除侈舉劾貴戚近臣暴勝之等

督使關東奏殺二千石誅千石以下斬首大郡或王莽
至萬餘級王翁孺遂捕魏郡羣盜以奉使不稱免王莽
時侯霸爲繡衣執法使督大姦

掾史屬

選郡吏補

嚴延年爲郡吏以選除補御史掾何並爲郡吏至大司空掾

著名之士皆

辟召焉

魏相除蕭望之爲屬張湯以兒寬爲掾蕭望之除薛廣德爲屬張忠辟孫寶爲屬

雖爲

府吏大夫不得私使

御史大夫蕭望之多使守史自給車馬之杜陵護視家事小史冠法

冠爲妻先引爲司徒繁延壽所奏貶秩

漢舊儀曰後御史職與丞相參增

置吏員凡三百四十一人分爲史

原本吏誤

少史屬亦從同

秩補率取文法吏廷尉正監平物故以御史高第補之

御史少史行事如御史

按此御史如丞相史御史少史如丞相少史也下云少史屬卽

如丞相屬讀者不明典故於此則難讀

少史有所爲卽少史屬得守御史

行事如少史少史

此富云御史

秩比六百石御史少史物故

以功次徵丞相史守

按此又衍少史二字

御史少史所代

按此謂御史少

史代丞相史

主簿

韋昭辨釋名曰

御覽二百六十五

主簿主讀簿書普聯諸事然

主簿大抵爲親吏御史大夫張忠署孫寶爲主簿兩府

高士俗不爲主簿寶曰高士俗不爲主簿而大夫君以

爲可士安得獨自高且不遭可無不爲況主簿耶大司

空師丹使主簿書奏主簿私寫其草被丁傅子弟告遂

免

太傅

周公之後晉國有太傅士會將中軍且爲太傅此孤卿

最重

按揚處父爲太傅改蒐於蘆易中軍以太傅易置中軍此亦孤卿也上渥濁羊舌肸爲之則上大夫

耳

高后初以王陵爲之

八年以

元壽末孔光元始中王

莽

莽居攝王舜爲太傅左輔莽篡則平晏唐尊爲之

太師太保

晉文公時賈佗爲太師楚穆王命潘崇爲太師呂覽楚

文王葆申高誘曰葆太保官也元始初以太傅孔光爲

太師居四輔職

光死馬宮代官尋免不置人

王舜爲太保居攝初以

甄豐爲太阿右拂甄邯爲太保後承而缺太師前疑蓋以擬莽也卽真後王舜舜子匡繼爲太師

大司馬

大國三卿司馬其一宋備六卿有大司馬亦稱司馬楚司馬

爲令尹之次亦稱大司馬公子圍殺大司馬蔣掩而取其室楚策頃襄王立昭常爲大司馬使守東地其上亦

有令尹劉項起並稱楚官

史記穰苴爲齊景公大司馬管子小匡立王子成父爲大

司馬皆是後人傳致不足憑

陳涉時凌人秦嘉自立爲大司馬項羽

有大司馬曹咎周殷而淮南王臨江王國並有大司馬漢初丁復破龍且於彭城爲大司馬他國則無足明其

承楚官矣表云元狩四年置大司馬以冠將軍按三王世家霍去病上疏但稱大司馬臣去病不連將軍位在

丞相下

霍光奏廢昌邑王首
丞相臣敞光次之

自霍光後相承不絕

霍禹
爲大

司馬冠小冠亡印綬大司馬本冠
惠文大冠也禹更小冠不使掌武

甘露元年許延壽薨

缺人黃霸奏請置太尉正其時也黃龍元年以史高爲

車騎將軍冠其號迄元壽末王莽居之位在大司徒上

大將軍

晉語鄭人以詹伯爲將軍吳語十行一嬖大夫建旌十

旌一將軍建常老子偏將軍居左上將軍居右周掌九

伐者亦稱將軍矣戰國時乃著說苑尊賢篇田忌對楚

王曰齊使申儒

蓋申繻之說齊策有申繻

將則楚發五萬人使上將

軍將之至則禽將軍首而反耳秦使白起爲上將軍趙

以廉頗李牧爲大將軍魏王以上將軍授信陵君燕使

樂毅爲上將軍項羽爲諸侯上將軍趙以陳餘爲大將

軍諸國皆有其在相下

梁王虛相位以待孟嘗君以故相爲上將軍漢初拜韓信

爲大將軍後進左丞相相國

漢征伐遣將授印事訖則歸列侯位惟

呂祿爲上將軍將北軍與信國並列自韓信後劉澤灌

嬰柴武

文帝自代來柴武上讓位次太尉勃二年復爲之舉濟北

張相如竇嬰等皆

是權置故班表不列武帝拜衛青爲大將軍終於其位

繼此者霍光王鳳光鳳領尙書事權出丞相上王莽地

皇初賜諸侯牧號皆大將軍濫矣

車騎將軍

灌嬰擊破齊軍於歷下虜車騎將軍華毋傷蓋戰國所

置統領車騎士卒

漢斬欽邊車騎將軍并將梁趙齊燕楚車騎

漢皆以軍興

時置如蔡寅灌嬰斬欽張武令免周亞夫等不久卽罷

惟薄昭以文帝舅爲之十年衛青以車騎將軍征匈奴

昭帝世金日磾

上官安張安世宣帝之世冠大司馬者皆車騎將軍

王音

王勝父

子繼之元壽王舜爲之不兼大司馬

衛將軍

亦臨時軍號以戶衛爲義功臣表王恬以衛將軍擊陳

稀文帝入未央宮夜拜朱昌爲衛將軍領南北軍

十四年

奴寇邊中尉周舍爲衛將軍軍渭北

宣帝更以張安世爲大司馬衛將軍

兩宮衛尉城門北軍兵屬焉以此而推凡冠大司馬輔政者皆領南北軍矣成帝時王商居之平帝末甄豐以

大司空兼衛將軍

王莽以城門令史王興爲衛將軍

票騎將軍

釋名

御覽一百三十八引

曰驃騎將軍車騎將軍秩比三公章昭

辨云此二將軍秩本二千石按章昭之言亦無所考武帝以大將軍青驃騎將軍去病皆爲大司馬定令令票騎將軍秩祿與大將軍等則其本號自等於中二千石

也成帝時王音王商王根遞以車騎衛票騎三號輔政
後世遂以三號將軍爲從公

前後左右將軍

墨翟尙同篇古者擇其國之賢者以爲左右將軍封禪
書社主故周之右將軍相傳如此故表以爲周末官馮
劫自御史大夫爲將軍卽其職員多則分列屯兵因有
四號耳武帝元朔五年公孫敖爲中將軍公孫賀爲左
將軍趙信爲前將軍蘇建爲右將軍李廣爲後將軍元
狩四年李廣爲前公孫賀爲左趙食其爲左曹襄爲後
此皆臨時所命屬於大將軍裨將也

右將軍蘇建亡其
軍議郎周霸曰自

大將軍出未嘗斬裨將今建業軍可斬以明威霍去病將領以大將軍等亡裨將悉以李敢等爲大校當裨將昭帝卽位有左將軍上官桀右將軍王莽始爲中朝臣宣帝

初有前將軍韓增後將軍趙充國表所謂不備置者也

與丞相御史大司馬通爲五府置官屬舉吏段會宗以杜陵令五

府舉爲西域都護杜鄴說車騎將軍王音曰成元成以

都侯以特進領城門兵復有詔得舉吏如五府元成以

後惟有左右將軍朱博嘗爲後將軍未幾罷以孔光爲左將軍居右將軍官職王咸爲右將

軍居後將軍官職此蓋就其屯兵互相其雜號將軍或

迴換元壽元年何武爲前將軍二年罷其雜號將軍或

以將領爲名材官驍騎強弩樓船之屬或以冠地爲名浮沮因杆河

獨行亦爲大將軍

李廣利以貳師伐大宛

並行則爲定號將軍之

副

右將軍馮奉世征西羌元帝又以太常弋陽侯任上秋爲奮武將軍助奉世置書與奉世曰兵法大將軍

出必有偏裨所以
揚威武參計策

都尉

左傳晉悼公卽位卿無其御立軍尉以攝之于是以祁

奚爲中軍尉鐸遏寇爲上軍尉繼此將軍皆有都尉准

南兵略曰論除謹論賢除吏也動靜時吏卒辨兵甲治正行

伍連什伯明鼓旗此尉之官也趙策秦趙戰於長平趙

不勝亡一都尉史記白起傳作取二位秦使李信伐楚大破李信

軍殺七都尉董翳爲章邯都申屠嘉由隊率爲都尉

周亞夫爲將軍屯細柳文帝勞軍都尉曰軍中聞將軍令不聞天子之詔漢於京師常置車

騎都尉文帝拜馮唐爲車騎都尉主中尉郡國車士宣帝使車騎都尉韓昌送呼韓邪則常員也

騎將故有騎都尉

新欽以騎都尉定三秦李必以騎都尉起樸陽

周又竈爲長

鉅都尉路博德爲強弩都尉此雜號都尉之始

御覽二百四十

一黃帝占軍氣決曰都尉氣如合抱之榆

校尉

校人六廐成校校有左右通典司馬法曰一部爲校八

百人立尉校者遮闌之物

許慎云校木囚也長楊賦云木雍槍繫以爲儲胥

營

壘有之故尉爲校尉吳越春秋吳王使太宰嚭爲右校

司馬王孫駱爲左校司馬或其始矣秦策素使五校大

夫王陵將而伐趙陵戰失利亡五校漢王以灌嬰爲騎

矜令李必駱甲爲左右校尉將騎兵其後征伐員數無

定司馬彪云大將軍有五部校尉言其屯住木凡耳貳師

將軍伐大宛五十餘校尉霍去病擊穎匈奴悉以李敢等爲大校是無定員或將軍自署置陰

侯灌何爲將軍請灌孟爲校尉凡成軍行皆置校尉李馮奉世擊西羌長子譚爲校尉

陵以騎都尉將五千人擊匈奴故成安侯韓延年爲其

校尉亦別將屯辛慶忌遷校尉將霍去病爲票鶴校尉吏士屯焉耆國

又有輕騎校尉郭成此雜號校尉之始

司馬

晉以魏絳張老爲中軍司馬籍偃藉秦爲上軍司馬爲

軍尉之佐趙策張孟談薦左司馬而耕於負親之邱通典二曲爲部四百人

立司馬尉繚子制談千人一司馬功臣表孔聚陳賀陳

胥陶舍等爲左右司馬此司馬各有部也有車騎將故

各有車司馬騎司馬

王競以車司馬起高陵王虞人以騎司馬從起廢止

按袁盎

以太常使吳王欲殺之使一都尉以五百人圍守盎

盎故從史適在守盎校爲司馬明司馬在尉下矣漢將

軍府有軍中司馬有營軍司馬

楊敞給事大將軍霍光府爲軍司馬此脫一字

大將軍王鳳奏請王尊補軍中司馬騎將軍王音奏請谷永補營軍司馬

此府僚也後此司

馬名同實異在莫府者與長史同秩隸行閒者與行頭

都伯比肩清濁懸絕矣趙破晉稟騎將軍鷹擊司馬此

雜職號司馬之始

侯

晉語晉悼公使張老爲元侯張老爲司馬使范獻子

士富

爲侯奄居故司馬之下矣通典二一隊爲官百人立長二
官爲曲二百人立侯淮南兵略前後知險易見敵之難
易發斥不怠遺此侯之官也職以侯望爲名趙奢將兵
救韓軍中侯有一人盲急救武安趙奢立斬之章邯使
侯始成使項羽軍約降又李陵軍侯管敢爲校尉所辱
亡降匈奴侯下有丞陳湯討郅支單于軍侯假丞杜勳
斬單于首李衛公兵法謂之虞侯

千人

管子輕重乙千人之長必拜而送牧誓之千夫長鄭云

師帥者其舊名也。曩字備城，謂千人之將。以上止之，勿

令得行及更率從之，皆斬。承秦有之。

商子城內篇百人一將曰百將，則固

有千將，斬歛擊秦軍，開封東，斬騎千人。將一人，

按此是主騎之千人

將也。如淳云：騎將率號爲千人，非是。

功臣表：斬彊以郎中騎千人，從起櫟

陽，灌夫以千人從擊吳楚。

武帝置武功爵，又有千夫，非此千人

王莽屠攝

車騎將軍千人，屠雲奏符命。

軍屯僕射

表總列於諸僕射，按曹操孫子注曰：陳車之法，五車爲

隊，僕射一人，十車爲率，官長一人。

吳諸行頭官，帥鋒扶楯

通典

五火爲隊，五十人有頭，則僕射卽隊頭也。亦號隊率，甲

屠嘉以材官蹶張遷爲隊率是也其百人爲官長亦號屯長司馬彪志屯長比二百石秦二世元年發閬中戍漁陽九百人陳勝吳廣皆爲屯長

軍正

列子說符魯有施氏子好兵之楚以法干楚王王說之以爲軍正蓋戰國時軍行立之以司軍志猶飲酒有司

正射有司馬正也

司馬稷直召軍正問曰兵法期而後至者云何對曰當斬遂斬莊賈又大

將軍青問右將軍蘇建罪於正閔閔以爲不當斬

責帥將軍伐大宛軍正趙始

成功最多爲光祿大夫又武帝使軍正任文將兵屯玉門關捕樓蘭王將詣闕漢北軍軍正有常員不屬將軍

將軍有罪以聞二千石以下行法有丞武帝時守丞胡建斬監軍御史者也

軍監

匈奴傳有大將軍軍監治眾此監軍之始

護軍將軍

自秦請置太尉周亞夫擊吳楚請趙涉爲護軍趙充國擊西羌靡廋來自歸充國遣還諭種人護軍以下皆爭之曰此反虜不可擅遣其職居帳下領警備參密計表有宰衡護軍武襄自是大司馬護軍誤連宰衡耳

軍司空

晉語悼公使右行辛爲司空淮南兵略隨路急行輔治賦大均處軍輯井竈通此司空之官也商子境內篇其攻城圍邑國司空營其城之廣厚之數大將霍光補杜延年爲軍司空

如淳曰律營軍司空軍中司空各二人

前將軍韓增奏馮

奉世爲軍司空

令字當衍

軍武庫令

別於朝廷之武庫令掌一軍之甲仗儲侍大將軍王鳳奏補杜欽爲其軍武庫令職閒無事欽所好也

長史

如淳曰律都軍官長史一人司馬欣爲章邯長史文吏

也省莫府文書掌殿最之簿

南將軍李廣失道後期大將軍長史急責廣之莫府

上簿廣謂爲刀筆吏也

張敞田延年丙吉俱爲大將軍霍光長史

趙充國以中郎遷車騎將軍長史充國爲後將軍有成長史董通年谷永謝罪王音從營軍司馬轉長史

帝建始元年右將軍長史姚尹等使匈奴雜號將軍皆

有之

強弩將軍許延壽請好時令嚴延年爲長史

常取故千石以上失官者

補大將軍王鳳奏故御史中丞陳咸爲長史房鳳爲縣令都尉失官募騎將軍王根奏除補長史

從事中郎

以中郎官從事莫府大將軍王鳳奏除陳湯爲中郎與

從事莫府事一決於湯車騎將軍王音謹故選置從事

中郎與參謀議奏請毋將陞爲之然則始於王鳳也

掾史

屬大將軍主屬以肅青名父子著材能除爲功曹又肅
咸爲衛將軍掾又大司馬車騎將軍史高辟匡衡爲議
曹史長史丙吉薦儒生王仲翁等皆補大將軍史二歲聞仲翁爲光祿大夫陳咸薦朱博
爲大將軍屬其分曹署職亦如兩府

主簿

王商除杜鄴主簿爲腹心冀將將軍主根至推主簿張
業爲尙書

太常

本奉宗伯之官周書謂新書連語曰奉常典天歷天時
常之大宗

不得事鬼神不序經禮儀人倫不正奉常之任也叔孫

通始爲之其後以家世列侯爲之非儒宗之選矣職奉

宗廟園陵

魏名臣奏云漢太常行陵幸車千乘

兼領陵縣

杜緩拜太常治諸陵縣朱博爲

杜陵縣功曹

選試博士明經甲乙諸科

諸以治經徵者俱詣太常試第

其高下張禹試爲博士是也又公孫弘奏請太常擇民年十八以上饒狀端正者補博士弟子郡國選詣太常得受業如弟子一歲課通一藝以上補文學掌故歲察

廉吏一人舉孝廉詔舉良方正則與九卿二千石各舉

所知或有詔獨與三輔舉賢良

始元五年令太常三輔舉賢良各二人郡國文

學高第各一人故鹽鐵論國病篇丞相史謂賢良曰世人有言鄙儒不如都士文學皆出山東希涉大論子大夫論京師有缺三公舉哀帝有詔舉太長新都侯王莽

之日久

私從大司空何武求之武不敢

舉推九卿亦皆然

王莽篡後令三公七卿皆連將軍陳茂爲秩

宗大將軍卽太常

丞

高誘呂覽注曰丞佐也御覽

二百十三

漢名官奏張禹奏曰

案令丞相奏事司直特案長史將傳中二千石奏事皆與其丞合緣以臣下各得盡心竭誠而事公明漢舊儀

曰劉昭引

太常丞舉廟中非法者與太常職任煩劇易以

罪免

韋弘爲太常丞坐宗廟事繁獄凡穢牲疫酒酸橋道寢園不修太常坐免者知丞相連也

谷丞

以御史屬舉爲太常丞

太樂令丞

王制之大樂正列國皆有之武帝時河閒獻王獻所集雅樂天子下太樂官常存肄之然不常御常御及郊廟皆非雅樂陽平侯杜相爲太常坐擅繇太樂令論

太祝令丞

古者祝官備習三代之禮士喪禮夏祝主奠商祝主尸
柩周祝置銘徹奠推而饗祭之禮各有所主所以精事
神之意也楚語觀射父曰使先聖之後知山川之號高
祖之主宗廟之事昭穆之世而敬恭神明者以爲之祝
晏子春秋景公曰爲社稷宗廟之不享乎則太祝子游
在秦漢以來卜祝也而倡儀書之矣文帝卽位十三年

下詔曰秘祝之官移過於下朕甚弗取其除之始名山

大川在諸侯諸侯祝各自奉祠天子官不領及齊淮南

國廢令太祝盡以歲時致禮如故

御覽二百二十九東觀漢記曰陰猛好學

溫良稱於賢良以賢良選爲太祝令則兩京無雜流官並以孝秀之選可知

太宰令丞

大戴保傅篇青史氏之記曰古者胎教王后腹之七月

而就宴室

按內則謂之側室漢時謂之產室

太師持銅而御戶左太宰

持升而御戶右此太宰令之官也

墨子尙賢有一牛羊不能殺也必使其宰

陳平里中社平爲宰左傳之宰夫與周官太宰之考異

也元帝時有太宰丞李元

太史令丞

御覽

二百三十五

春秋元命苞曰屈中挾一而起者爲史史

之爲言紀也天度文法以此起也淮南汜論夏之將亾

太史令終古先奔於商殷之將敗太史令向蘂先歸文

王連令字者亦後人所加耳武帝時則司馬談遷父子

如直引衛宏舊儀注謂武帝置太史公位在丞相上絕

無證驗衛宏在王莽末素稱博雅未必鑿空西京雜記

雖載其事恐是萬

洪等轉據漢儀及造太初歷選治歷鄧平造八十一

分律律歷以平爲太史丞元鳳三年有司劾太史令張

壽王吏八百石古之大夫服儒衣誦不祥之辭作祆言

亂治度按此則太史令本八百石後省八百歸六百石

耳職專治歷司天非古在司之職廣帝使太史令尹咸校數術漢官

曰太史待詔三十七人有典星治歷等見律歷志又有

太史掌故房鳳射策乙科爲之御覽二百三十五揚雄太史令箴曰昔在太古

爰初肇紀天地之紀重黎是司降及唐虞乃命羲和欽若昊天百政攸宜使帝不損羲和不令爾時亂日帝旅

爰征庶僚朕唯爲天難夏氏黷德而明補不獨

太卜令丞

龜策傳廬江郡常歲時生龜長尺二寸者二十枚輸太

卜令高廟中有龜室褚少孫曰日者臣爲耶時與太卜

待詔爲郎者同署則太卜署亦有待詔也

太醫令丞

秦有太醫令李醯刺殺扁鵲者漢官曰領員醫一百九十三人成帝使侍醫李柱國校方技禮儀志天子不豫太醫令將醫入就進所宜藥嘗藥其後常以孝廉甲科爲之御覽二百二十九崔實有太醫令歲

均官

長丞所屬陵園有其官

都水長丞

管子度地篇除五害以水爲始請置水官令習水者爲吏大夫大夫佐各一人取水左右各一人使爲都匠水工亦所屬陵縣有後并入三輔此爲贊出

廟令丞

韓非初見使荆魏立社稷主置宗廟令本守祧之官戰國以爲令元鳳四年奉文廟正殿火太常及廟令丞郎吏皆劾大不敬有僕射王莽居攝梓潼人哀章持金匱神至高廟以付僕射意者諸廟令以高廟令爲僕射歟

寢令丞

寢者陵上正殿韋賢長子方山爲高寢令元始元年義陵寢神衣在柙中丙申旦衣在外牀上寢令以急變間用太牢祠有寢郎主戶衛車千秋爲高寢郎馮參爲元帝寢郎

園令丞

韋賢傳園中各有寢便殿日祭於寢月祭於廟時祭於
便殿寢日四上食廟歲二十五祠便殿歲四祠又月一
游衣冠長安志關中記曰守陵溉澗掃除凡五千人陵
令屬官各一人寢廟令園長一人門吏三十三人僕四

人元帝時三輔七十萬戶始斷不復徙人陪陵

漢武故事曰帝

見形謂陵令薛平日吾雖失勢猶爲汝君奈何令吏卒
上吾陵上磨刀劍乎自今以後可禁之平頓首謝因不
見推問陵旁果有方石可以爲礪吏卒嘗盜磨刀劍霍
光欲斬之張安世曰神芒昧不宜爲法乃止故阮公詠
懷詩曰失勢在須司馬相如爲孝文園令有園郎故事
史帶劍上吾邱

近臣皆隨陵爲園郎元帝崩侍中金敞以世名忠孝特

留班穉少爲黃門郎中常侍平帝世由廣平相入補延陵園郎

食官令丞

諸寢日四上食放古下室之饋而近於媒也馮參爲黃門郎給事中以王舅出補渭陵食官令

雍太宰令丞

別在雍者

雍太祝令丞

高祖問故秦時祠白青黃赤帝四祠乃立黑帝祠名曰北時有司進祠上不親往悉召故秦祀官復置太祝太

宰如其故儀禮文帝十三年始幸雍郊見五時武帝元
光二年初置至雍郊見五時後常三歲一郊

五時尉

秦文公作鹿時祭白帝秦宣公作密時於渭南祭青帝
秦靈公於吳陽作上時祭黃帝作下時祭炎帝成帝建
始二年罷雍五時

陵令丞

呂后六年移長陵令二千石荀悅紀同疑二字衍凡諸陵邑皆徙

郡國豪傑若吏二千石高皆富人郭解傳徙豪富茂陵解家貧不中皆索隱

日訾不滿三百萬以上爲不中皆充之西都賦所謂二選也永光四年

詔所爲初陵勿置縣邑自元帝以前陵令皆治民故別置園令嚴延年以御史掾拜平陵令朱博察廉補安陵丞王嘉察廉爲長陵尉按今六百石則當有二尉長安志關中記曰諸陵皆六百石

御覽二百二十九

胡廣有陵令節

博士

史記循吏傳公儀休者魯博士以高第爲魯相蓋古以儒者名之博士秦始有專員始皇紀盧生等議始皇曰博士雖七十人特備員弗用是秦置七十人也正先爲秦博士非刺趙高而死叔孫通以文學徵待詔博士進諛言二世拜爲博士

按秦燒書坑儒而博士官仍置者良以博謀僉議極暴之朝不能廢

儒生也然方技占夢之流
雜廁其中至漢始爲清選
高祖拜叔孫通爲博士號稷

嗣君欲繼蹤齊稷下之風也文帝召賈誼爲博士
誼年二十

餘最爲少每詔令議下諸老先生未能
言誼盡爲之對人人各如其意所出
漢舊儀孝文時

博士七十餘人趙岐孟子題辭云孝文皇帝欲廣遊學

之路論語孝經孟子爾雅皆置博士藝文類聚引漢官

儀云孝文皇帝時博士七十餘人董仲舒轅固等以通

經孝景時爲博士外奉使四方
元狩六年遣博士褚大
等六人分循天下存問

窮民舉獨行君子元鼎中博士徐偃使行風俗公孫弘
爲博士使匈奴博士鄭寬中行益州風俗舉刺史王尊

治狀孔光爲博士數使錄冤獄行
丙而朝廷詔議刑賞
風俗平當爲博士使行流民幽州

無不與焉
元朔元年詔令中二千石禮官博士議不舉
孝廉者舉永光四年罷郡國廟定親廟四與

博士議卽議哀帝時博士左咸等議孝武廟親盡宜毀又博士夏侯常議丞相王嘉獄武帝建元

五年置五經博士統明經弟子員爲海內儒宗自此言

六藝者有所指歸矣御覽漢舊儀曰武帝初置博士取

學通有修博識多藝曉古文爾雅能屬文章者爲之朝

賀位次中都官吏稱先生不得言其弟子稱門人宣帝

選博士諫大夫通政事者補郡國守相后蒼以博士爲少府異數也

僕射

始皇置酒咸陽宮博士僕射周青臣進頌博士淳于越

謂青臣爲面諛者也東京改爲祭酒說苑至公篇秦始皇帝召羣臣議曰

古者五帝禪賢三王世繼孰是將爲之博士七十人未對鮑白令之對蓋亦僕射

光祿勳

本郎中令淮南人間訓楚太宰李朱曰令尹子國輕行

而簡禮其辱人不難明年伏郎尹而笞之三百

高誘曰主郎官

之尹郎郎中令也秦胡亥即位趙高爲郎中令三年高作

亂使郎中令趙成爲內應則其職宿衛宮禁素矣漢郎

中令監宮禁戶殿門如舊制

審食其爲丞相不治監宮中如郎中令幸于呂太后

江充爲繡衣使者劾奏移書光祿勳門衛禁止

呂氏以陳平爲郎中令

末年有郎中令

賈壽文帝入未央宮卽以代郎中令張武爲郎中令行殿

中多以謹厚忠信者爲之

景帝以郎中令周仁陰重不世入臥內于後宮秘戲仁常

在旁皇太后以萬世君家不言而躬行以石建爲郎中令

昭宣後多加中朝官

楊惲爲光

祿勳加諸吏匡衡平當加諸吏散騎師丹加侍或以將

中孔光遷光祿勳復領尚書諸吏給事中如故或以將

軍并職張安石馮奉世辛慶忌王莽更名曰司中秩上

卿光祿歲察廉吏三人以領郎官多故陪他卿舉茂才四行各一

丞

通典漢二人多以博士議郎為之

主事

張安世為光祿勳即有醉小便殿上主事自行法此

掾史主吏也後漢以為孝廉清選唐尚書郎中下並有

主事從九品上亦其制通典云光祿有南北庭主事未詳所謂南北庭司馬彭志不後唐六典引

漢官云有南

北廬主事

光祿大夫

本中大夫呂覽知度篇趙襄子以任登爲中牟令上計

言於襄子曰中牟有士曰臆胥已請見之襄子見而以

爲中大夫列國並有士主奉使鄰國

魏中大
夫須賈

始皇初有

中大夫令齊漢以灌嬰爲中大夫領騎將後鼂錯嚴助

等以對策高第爲中大夫則爲文學之選武帝改光祿

大夫自後居其官者二途一如霍光金日磾等以光祿

大夫入侍左右侯家子弟軍吏勤勞皆如之

常惠馮奉
世段會宗

等一如霍光廢昌邑王奏云文學光祿大夫臣遷等又

云文學光祿大夫夏侯勝此以博士諫大夫儒學起家

者遷韋賢蔡義貢禹匡衡等賢良方正嘗為吏六百石以上者俱

拜此官陳咸以故少府舉方正谷永三大夫皆備天子

爭臣谷永謝書王鳳云奉使四方景帝中二年王薨遣

立嗣子壺充國王忠張猛段會宗等使匈奴西域元帝

初元元年臨遣光祿大夫喪等十二人循行河下存問

顯薦河平四年遣光祿大夫博士行河隄案邊地節中

嘉等十一人行舉灑河郡被水者吾正壽王嚴助等俱

夫郭昌行河又光祿大加中朝官侍中平當王仲翁龔

夫義渠安國使行諸羌加諸吏給事中周堪公卿免復為之

太中大夫

張禹子定國鄭寬中孔光俱領尚書事

孔光免丞相朱博免後將軍復為

光祿大夫光領尚書位次丞相

韋昭辨釋名曰大中大夫在中最爲高大者也則以爲

大字今竝作太高帝拜陸賈爲太中大夫任使與光祿

大夫同

景帝制列侯薨遣太中大夫弔祠視喪事立嗣子元康四年遣太中大夫強等十二人循行天

下存問覽觀舉茂才按蓋寬饒爲太中大夫時以博士常侍郎遷對策擢高第

賈誼以博士歲中超遷太中大夫孔霸疏廣俱以博士遷東方朔以常侍郎遷王嘉舉敦朴召對超遷亦

加中朝官

梁王賀金欽張猛平當俱給事中劉歆右曹張敞平尚書事

平帝時太中

大夫邴漢與光祿大夫龔勝俱乞骸骨王莽白太后賜

策遣之以示優賢亦有一途

程不識衛青公孫敖等任將吏者俱爲之

諫大夫

管子小匡篇使鮑叔牙爲大諫又云犯顏進諫臣不如

東郭牙請立以爲大諫之官胡廣曰武帝元狩五年置

諫大夫按元鼎中始見終軍爲諫大夫云武帝置者是

也通典云秦郡國賢良方正公卿薦舉拜是官蓋寬饒

策拜諫大夫孔衡舉孔光方正又對王駿有專對才皆

諫大夫大司空何武等薦龔勝又薦西曹掾鮑宣爲諫

大夫霍光擢韓延壽爲諫大夫又亦有二途王譚張勃

毋將隆以從事中郎爲諫大夫又有二途等以列侯

爲諫大夫杜延年杜緩以校尉從軍遷爲諫大夫許嘉

薦甘延壽爲郎中諫大夫使西域都護蓋諫大夫本奉

使官任使與光祿太中大夫同宣帝使諫大夫王褒往

益州祀金馬碧雞哀帝時丞相王嘉上疏曰前蘇令發

欲遣大夫使逐問狀時見大夫無可使者召盤屋令尹

逢拜諫大夫遣之今諸大夫有材能者甚少宜豫畜養

可成就者則士赴難不愛其死王莽遣諫大夫五十人

分鑄錢免官者起家拜貢禹王章馮參鮑宣等俱復爲

於郡國諫大夫元帝徵周堪劉向欲以

爲諫大夫博士議郎遷

王吉薛廣德翼奉以博上孫賓班放以議郎

並加中朝官

宣帝擢蔡千秋爲諫大夫給事中夏侯勝出獄爲諫大夫給事中劉向張勃俱爲散騎諫大夫孔光子常侍

貢禹爲諫大夫時秩尙八百石成帝省就六百石三大

夫並兼領外職

劉向以光祿大夫領護三輔都水馮參以諫大夫領護左馮翊都水

五官左右三中郎將

齊策靖郭君謂齊王曰五官之計不可不日聽也藝文

志有五曹官制殿中郎分掌諸曹則五官將領戶將戶

郎也亦稱諸曹中郎將

金岑金明皆爲之漢舊儀五官將主五官郎中

左車右

騎是左將領車將車郎右將領騎將騎郎也

書中分別三將者罕

見惟房鳳以光祿大夫遷五官中郎將又王莽傳劉歆子棧爲五官中郎將主殿中則五官將主戶衛郎明矣

故以長任選舉楊惲所居卽是五官將而虎賁羽林郎疑並統於左右將云季布於孝惠時

爲中郎將此其始也居中宿衛進退郎官袁盎爲中郎將上幸上林

皇后愼夫人從其在禁中常同坐及坐郎署長布席盎引卻愼夫人坐衛綰爲中郎將郎官有譴常蒙其罪有功常讓他將景帝以爲長者楊惲遷中郎將謁者有罪過輒奏免薦舉高第有行能者至郡守九卿郎官化之莫不自勵並加左右曹散騎諸吏侍中之號漢舊儀曰五官

屬光祿勳不得上朝謁兼左右曹諸吏得上朝謁左右

中郎將主謁者常侍侍郎以資進本注曰左主謁者右

主常侍侍郎御覽二百四十一與此本注同按李廣司馬相如楊惲韋立成等並爲騎常侍言右

將主者是也亦兼父兄任如楊惲韋立成不獨以資進也言左將但主謁者則車郎執主之恐是衛宏疏畧未

信可

郎中戶將

功臣表胡害爲越戶將從破秦蟲達以西域戶將三十
七人從起碭則承秦有此官中世通以儒學者更歷蓋
寬饒以諫大夫行郎中戶將事蔡千秋爲郎中戶將宣
帝遷郎十人從受穀梁春秋又尹更始爲長樂戶將則
戶將非一處也漢舊儀左戶將主左戶郎右戶將主右
戶郎

戶郎中

說苑辨物篇晉平公置酒虎祁之臺使郎中馬章布葵
藜於階上此非實錄也戰國皆有郎中魏牟謂趙王曰

王有尺帛何不令前郎中以為冠秦法郎中執兵皆在

殿下

始皇時置酒天雨陛楯者皆沾寒優旃見而哀之臨檻大呼曰陛楯耶此漢以為虎賁有左右陛長

也

小爾雅曰戶止也

左傳屈蕩戶之杜預曰戶止也

在門衛止內外出

入高帝病惡見人詔戶者無得入羣臣即戶郎也武帝

初令郡國貢廉孝拜郎充宿衛

蔡質漢儀曰五官郎中郎解其府對太學

射策高第為郎中泉募氏入羊為郎令入財者得補郎

郎選衰矣凡郎故事令郎出錢市財用給文書乃得出

名曰山郎其豪富日出遊戲或行錢得善部楊惲為中

郎將罷山郎移長度大司農其疾病休謁洗沐皆以法

令從事褚少孫續史記北海太守龔遂徵文學卒史王

先生從太守入跪拜王先生謂戶郎曰幸爲我呼吾君

戶郎爲呼太守又王嘉射策爲郎坐戶殿門失闌免則

廉選文學爲戶郎之驗也積功次分掌諸曹

霍光任爲郎補遷爲

曹郎其以郎給事尙書黃門者又爲尙書郎黃門郎舉

四行擢選

永光元年詔舉質樸敦厚遜讓有行光祿歲以此科第郎從官是爲舉光祿四行何武射

策爲郎光祿勳舉四行遷鄠令

郎中車將

六韜均兵篇置車之吏數五車一長十車一吏五十車

一率百車一將漢舊儀曰左車將主左車郎右車將主

右車郎辛慶忌以金城長史舉茂才遷郎中車騎將

原文

誤衍
軍字

車郎中

領車士天子大駕法駕出郎扈行藝文志有車郎張豐

劉向少以父任爲輦郎亦車郎類

御覽二百十五桓譚
新論曰余年十七爲

奉車車郎齋殿
中小苑西門

郎中騎將

六韜均篇篇置騎之吏數五騎一長十騎一吏百騎一

率二百騎一將樊噲爲郎中騎將

灌嬰將郎中騎兵傅
東屬相國韓信

寬爲右騎將則騎將亦有左右諸部也

漢官儀
文不全

王吸爲

騎郎將入漢中李廣爲騎郎將文有互耳

騎郎中

高祖爲漢王樊噲灌嬰等積戰功始爲郎中後此兼任子及高貲爲之由任亦始於秦李斯初爲呂不韋舍人不韋賢之任以爲郎是也張釋之以貲爲騎郎公孫敖亦爲騎郎凡車騎郎試於光祿勳光祿勳令諸當試者不會都所免之大將軍以時都肄焉燕王旦上書霍光都郎羽林道上移蹕太官先置計漢郎官自車戶騎三郎外其待詔諸官署分布寢廟園陵殆不下萬人矣

議郎

潛夫論考績篇侍中大夫博士議郎以言語爲職諫諍

爲官武帝始有議郎

衛青傳議郎周霸

由儒學選

陸弘以明經爲議郎儒林

傳有穀梁議郎尹更始孔光經學尤明年未二十舉爲議郎翟方進射策爲郎三歲舉明經遷議郎與廷

議次博士後公卿薦舉及對策者拜

高將軍王商薦鮑宜御史大夫張忠

薦孫寶爲議郎班旂對策爲議郎

漢舊儀議郎十二人不屬署不直事

侍御史遷補博士諸侯王郎中令

見北堂書鈔按侍御史常在遷字下

中郎

自郎積功遷以戰功得趙充國傅介子等以奉使勞補

者常惠趙聖徐終根等劉向以故九卿召拜中郎汲黯

曰臣病不能任郡事願爲中郎出入禁闈補過拾遺臣

之願也亦以待詔者補

吾丘壽王東方朔翼奉待詔爲中郎

得加中朝官

吾王壽王侍中中
郎蕭伋散騎中郎

侍郎

孝惠紀中郎郎中蘇林曰省中郎是也

在外者為散郎

以散郎

補鄭吉為郎至宣帝時以侍郎使田渠犁又辛慶忌

按

傳中有常侍郎

東方朔

常侍騎

袁種楊惲等

騎常侍

李廣

亦稱武

騎常侍

史記李廣李蔡文帝世並為武騎常侍司馬相如同

此皆騎郎為侍郎者

也蓋前此亦兼期門羽林之職也得加中朝官

楊惲左曹薛況

右在黃門者為黃門侍郎

揚雄除為郎給事黃門其解嘲曰位不過侍郎擢纔給事

黃門李尋以待
詔遷黃門侍郎

郎僕射

馮唐爲郎中署長曰署長固僕射矣霍光出入下殿門止進有常處郎僕射竊識視之不失尺寸

期門郎

武帝微行與侍中常侍武騎及侍詔隴西北地良家子

能騎射者期諸殿門故有期門之號

漢官儀曰隴西工射獵人能用五兵

材力三百人按隴西下有脫文

東方朔謂武帝曰譬若以王慶忌爲期

門則其選皆材力絕人矣甘延壽爲羽林投石拔距絕

於等倫試弁爲期門王莽居攝期門郎張充等謀其廢

莽立楚王

按表已改期門爲虎賁傳誤稱期門漢官典儀王莽更名虎賁郎御覽二百四十一漢官

典職曰虎賁中郎將主虎賁千五百人郎多至千人

僕射

漢官儀僕射一人秩六百石騎持五旗

疑卽五牛旗

別外內

其後爲虎賁續志有左右僕射

御覽二百四十一漢名臣奏曰丞相薛宜奏漢

興以來深考古義推萬變之備於是制宮室出入之義正輕重之罰故司馬殿省關至五六重周御擊刁斗竟門自近臣侍側尙不得著劍入防未然也陛下聖德純備海內晏然此國家之明制必前後備虎賁按宣云虎賁不知是汎指否若然則成帝世己名虎賁

著劍入防一作著劍帶入房

羽林郎

始云建章營騎者蓋武帝起建章宮置此爲宮衛也

枚乘

說吳王遺羽林黃頭疑其書非出自乘也

趙充國甘延壽以六郡良家子善

騎射補羽林御覽

二百四十二

應邵漢官儀曰羽林者言其

爲國羽翼如林盛也一名爲嚴郎言其禦侮嚴勵其後
簡取五營高材別爲左右監續漢書曰左右監皆冠鷩
冠

羽林令丞

以有羽林孤兒故置令丞教督之別以他官監其兵霍
光次壻任勝爲諸吏中郎將羽林監後此名曰羽林中
郎將

旄頭郎

應劭曰以羽林爲之晉灼曰楚漢春秋上東園頂羽聞
樊噲反旄頭公孫戎明之卒不反封戎二千戶御覽

四十一列仙傳曰秦文公時立中記作秦始皇時有梓樹化爲牛以

騎擊之騎不勝或墜髻解髮被牛畏之入河故秦因置

旄頭騎使先驅

錢文子補漢兵志引舊儀曰旄頭屬羽林從官七百取三輔良家子自給鞍馬

御覽六百八十應劭漢官儀曰舊羽林郎爲旄

頭放髮前驅今但用營士蓋西京用羽林也

請室令

續漢志車馬出在前請所幸傲車迎白示重慎賈誼云
造請官室而請罪晉書輿服志作靜室

謁者

晉語豎頭須求見晉文公謂謁者謁者以告孫子曰用
閒必先知其守將左右謁者門者舍人之姓名韓策顏

率謂公仲之謁者

齊宣王使謁者延王升入蘇秦之楚對王曰謁者難得見如鬼

秦昭

王使謁者王稽於魏穰侯謂稽曰謁君得毋與諸侯客

子俱來乎二世時謁者使東方來以陳涉反狀聞則上

下通稱又兼奉使也高祖使謁者隨何說九江王文布

陳平凶楚降漢時萬石君石奮爲中涓受平謁疑初起中涓卽謁者也

復以灌嬰爲中謁

者蓋出入禁闔者也其後常充奉使

汲黯爲謁者東越相攻武帝使汲黯

往視元狩元年遣謁者巡行天下存問致賜有寃失職者以聞終軍爲謁者使行郡國建節東出關成帝使謁

者陳農求遺書於天下

公卿有罪謁者以詔召詣廷尉

石顯請召蕭望之就

吏封付謁者史丹等奏請謁者召丞相王商詣詔獄孔光等奏請謁者召丞相王嘉詣廷尉

以郎中

補張釋之以郎事文帝十年不調欲免歸中郎將知其賢惜其去乃徙釋之補謁者

與常侍參

職初學記二十六周遷與服雜事曰應仲遠云昔荆軻逐秦正其後謁者持匕首擬宮掖以備不虞從此侍官皆執蕭望之等以儒學居是官也

僕射

呂后時大謁者張卿卽僕射也張釋之以謁者遷僕射景帝時謁者僕射鄧公言誅鼂錯之枉掌臨軒策詔引拜諸侯王龔勝邴漢以老病罷歸太皇太后使謁者僕射策詔

衛尉

始皇九年嫪毐爲亂衛尉謁者二十人皆梟首漢衛尉領衛兵在未央宮故號其屯爲南軍高祖以酈商爲之周勃既將北軍欲誅呂產令平陽侯曹窋告衛尉毋內相國產殿門產不知呂祿已去北軍入未央宮欲爲亂

殿門弗內是也然則漢書雖六同言南軍循丈可知有皇太后又別置衛尉按酈

商以將軍將太上皇衛此其始也呂后末朱虛侯章因

謁者節馳斬長樂衛尉呂更始皇太后居長樂宮衛尉自此始李廣爲

未央衛尉程不識爲長樂衛尉所謂東西宮衛尉也掌

門籍漢官儀宮司馬內百官按籍出入管衛周廬晝夜誰何殿外門署屬衛尉殿內即署屬光祿勳又云

衛尉寺在宮中不擊鼓御覽二百三十漢官解詁曰凡居室中者皆籍於門按其姓名復有符用木二寸以所

長官兩字爲鐵印分符當出入者按籍畢復齒符乃引內之也徵循宮中宣帝元康元

年又置建章衛尉金安上爲之元帝罷建章甘泉宮衛

中世或以將軍兼職王莽以右將軍范明友以度遼將軍趙充國以後將軍傅喜右將軍

並加中朝官王鳳濟于長俱衛尉侍中王莽改曰太衛

丞

通典梁衛尉卿與漢同卿每月丞每旬行宮徼

公車司馬令丞

在司馬門故以名官通典掌殿門司馬門夜徼宮中

按御

覽二百三十引應劭漢官儀同餘見續漢志

掌受章奏及頒詔書郡國張釋

之以謁者拜公車令

太子梁王共車入朝不下司馬門釋之遂劾其不敬文帝免冠謝太

后太后

詔赦之任章爲公車丞在渭城界欲謀逆

續漢志又有尉掌領

誰卒五行志王褒故公車大誰卒

凡待詔公車者俱虞食於此

史記滑稽傳東

方朔出入長安至公車上書凡用三千奏續公車令兩人共持舉其書僅然能勝之

衛士令丞

漢舊儀民年二十三爲正一歲而以爲衛士君侯月一

行屯衛騎不以車衛士初至未入君侯到都門外勞賜

吏士令丞領之掌其名籍廩食賦冬夏衣

宮伯注鄭以漢法言之

歲盡當更賜饗臨遣

蓋寬饒爲衛司馬上臨饗罷衛卒數千人皆叩頭自白願復留共更

一年以報寬饒厚德

秦二世時趙高作亂使咸陽令閻樂將吏入

卽衛士令也

旅賁令丞

周官有旅賁氏後漢省之

衛司馬

周官宮伯授八次八舍之職事注衛王宮者必居四角

四宮中于徵候便也次其宿衛所在舍其休沐之處御覽

二百三十胡廣云宮闕之內衛於殿垣下爲廬者若今之仗宿屋矣通典所引同西京賦衛尉

八屯警夜巡晝注衛尉帥吏士周宮外於四方四角立八屯士士則傳宮外向爲廬舍晝巡夜

警與鄭注合司馬爲之帥案行廬舍有徵發則執幡鉦護行

每門有之蓋寬饒以諫大夫左遷衛司馬其別屯在長

樂建章者皆有司馬房太子出武庫兵發長樂宮衛馮遂功次遷長樂

屯衛司馬東觀記馬援父仲官至玄武司馬

衛侯

次司馬馮奉世以衛侯使持節送大宛諸國客扶谷吉亦以衛

司馬送郵支侍子則衛官奉使固有定例

建章平樂諸監

各掌兵屯衛青李陵俱爲建章監傅介子以中郎遷平樂監張放爲侍中中郎將監平樂屯兵置莫府儀比將軍

太僕

周官應劭言穆王所置非韓非說林秦武王令甘茂擢所欲爲於僕與行事孟卯曰公不如爲僕公所長者使也公雖爲僕王猶使之於公也按行事陳平爲魏王咎卽大行太僕高帝以夏侯嬰爲太僕歷三帝終於其官昭帝時上官桀以左將軍兼之大駕出太僕爲卿郊廟或代天

子行事肄習威儀宣帝使太僕戴長樂行事肄宗廟還
侯御服虔曰兼行亦如中朝官杜延年右曹給事中張
天子事肄習威儀中延壽左曹王音王莽侍
王莽改曰太御

丞

張敞以倉長遷太僕丞

大廐令丞

史記減宜以佐史無害徵爲大廐丞按大廐共乘車駕

者也黃圖謂
之都廐

未央廐令丞

上官口以期門郎遷未央廐令

家馬廄令丞

家馬字見管子問篇地理志太原郡有家馬官

武帝以車騎馬

乏令封君以下至三百石吏差出牝馬天下亭亭有畜字馬歲課息昭帝始元五年罷天下亭母馬按家馬之名蓋始其後移在郡縣因改爲相馬耳於此

車府令丞

呂覽處方篇韓昭釐侯出弋鞞偏緩詰車令卽此官秦始皇以趙高爲中車府令

路輪令丞

三輔黃圖路輪廄在未央宮

騎馬令丞

嚴安上書以安爲騎馬令黃圖騎馬廐在長安城外

駿馬令丞

傅介子以駿馬監使大宛黃圖云今皆秩六百石

龍馬監令丞

金日磾輸黃門養馬武帝拜爲馬監傳蓋失其名耳黃圖云大宛廐在長安城外疑此之龍馬監也蘇武又爲

移中監表亦不載

論衡別通篇孝明之時讀蘇武傳見武官名曰移中監以問百官百官莫

知漢官儀有大宛汗血馬乾河馬

華山神馬種

天馬

閑駒橐泉監長丞

橐泉蓋取秦橐泉宮爲處在雍縣

漢書地理志卷四
馬
四八
駒駘承華監長丞

黃圖駒駘廐在長安城外駒駘野馬也說文北野之良馬也王會解禹氏駒駘自當以良馬爲義不當據山海經也

漢官儀承華廐駒駘廐馬皆萬匹令秩六百石

牧師苑令丞

如淳曰以郎爲苑監官奴婢三萬人別有使者如御史領護王音薦谷永爲護苑使者地理志北地郡有五苑西河有一苑漢官儀云擇取給六廐牛羊無數以給儀牲馬援傳注續漢書曰父仲嘗爲牧師令兄員爲護苑使者

牧橐令丞

疑專牧橐駝

昆蹏令丞

釋獸注云蹏蹄蹄如趺而健上山秦時有蹏蹄苑

釋文引舍

人云蹏蹄者涸蹄也邵晉涵爾雅正義曰師古以昆爲獸名非也

應劭以昆蹄爲好馬是矣

中太僕

戾太子白皇后發中厩車載射士黃圖云中厩皇后車

馬所在哀帝時史立爲中太僕

續志爲中宮僕去太字

皇太后亦

有之成帝遷石顯爲長使中太僕哀帝尊祖母傅昭儀

爲帝太后母丁姬爲帝太后各置太僕

廷尉

管子法法篇臯陶爲李

管子臯陶暗而爲大理
天下無虐刑李理通用說苑至

公篇楚令尹子文之族有干法者廷理拘之又楚莊王

太子入朝馬蹄蹂躪廷理斬其軔而戮其御韓非子外

儲作廷尉李斯以廷尉佐始皇稱皇帝高帝五年有廷

尉義渠孝景改爲大理者本管子也

小匡篇決獄折中
不殺不辜臣不加

賓須無請立爲大司理呂覽勿射篇管子曰請置弦章
以爲大理新序四又作弦甯爲大理傳記雜說各記所

聞後元年令天下獄疑者獄有司有司所不能決移廷

尉有令獄而後不當讞者不爲失武帝令依春秋決獄

酷吏遂附聖經以爲城旦書公羊之學始熾杜周爲廷尉詔獄益多逮至六七萬人吏所增加十有餘萬于定國爲廷尉迎師學春秋民自以不寃也凡在八議者當論上請小司寇注鄭司農云今時宗室有罪先請廉吏有罪先請吏墨綬有罪先請是也按昭平君殺主傳廷尉以大臣下獄則中朝雜議廷尉處當以聞廷公主子上請大臣下獄則中朝雜議廷尉處當以聞廷孔光議信于長小妻迺始等已弃去不當坐哀帝初卽位廷尉龐參議薛况賅客楊明斫博士申咸依律完爲城旦王莽改作士蓋漢時經師有此讀法左傳衛士榮爲大士晏子諫篇有秦士子牛則列國亦有刑官爲士其士師則通稱

正

禮記目錄正義王制之作在秦漢之際知者按文云有

正聽之鄭云漢有正平承奏所置廷尉正監不置丞重
獄官也宣帝聞黃霸持法平召以爲廷尉正哀帝改廷
尉爲理官屬亦隨改王莽誣何武大理正檻車徵武逸
書嘗麥解王命大正正刑書蓋漢所本後書何敞六世
祖比干學尙書
於鼂錯武帝
時爲廷尉正

左右監

丙吉以獄史遷廷尉右監漢官儀廷尉正監平物故以
御史高第補之

左右平

宣帝置此官諫大夫鄭昌上疏言今明主躬垂明聽雖

不置廷尉平獄將自正若關後嗣不若制定律令律令一定愚民知其所避畏姦吏無所弄權柄今不正其本而救其末世衰毀則廷尉平招權而爲亂首矣通典宜右平而二輔決錄注云何比干漢武帝時爲廷尉右平謬矣馬宮以丞相史遷廷尉平

掾史

史記蒙恬嘗書獄典文學此文學卒史之始張湯爲廷尉請博士弟子治尚書春秋者補廷尉史兒寬補廷尉文學卒史張湯除爲從史會廷尉有疑奏已再見卻掾史因使寬爲奏按今州縣謂之詳文奏成讀之皆服湯奇其材以

寬爲奏讞掾元鳳中廷尉李光以路溫舒爲奏曹掾

大鴻臚

本典客新書輔佐篇典方典客儀以掌諸侯有功德而弗舉有淫僻犯禁而不知典方之任也左傳卻擘主東諸侯管子小匡升降揖讓進退閒習辨辭之剛柔臣不如隰朋請立爲大行按其官尙矣韓信爲連敖典客景帝更名大行令然傳中王恢李息張壽等爲之只作大

行無令字

御覽二百三十三釋名曰腹前肥者臚言以京師爲心腹王侯外國爲四體以養之章昭

辨云鴻大也臚陳序也欲以陳序賓客也解詁鳴聲也臚傳也掌諸侯王國事

徵昌邑王少府

史樂成行大鴻臚事也

諸侯王列侯薨大鴻臚奏事置嗣

河間獻王薨大

行令奏謚法聰明睿知曰獻宜謚曰獻王陽城侯劉德
上書訟子向罪會葬大鴻臚奏德訟子罪失大臣體不
宜賜謚置嗣制曰賜謚穆侯章玄成有罪惡則與宗正
當襲爵以病狂不應召大鴻臚奏狀有罪惡則與宗正
廷尉雜問奏正淮南厲王至長安丞相臣張蒼與客臣
馮敬宗正臣逸等昧死言長當棄市請
論如法衡山王賜謀反遣中尉安大行息卽問王梁王
立殺人天子遣廷尉賞大鴻臚由持節卽訊又常山王
舜太子勃私殺天子遣大行審驗問廣陵王朝會則賞
胥祝詛事發覺天子遣廷尉大鴻臚卽訊朝會則賞
賓贊高帝七年羣臣朝十月大行設九賓臚句傳又
蕭由徵爲大鴻臚以病不任賓贊還歸故官王
莽改爲典樂非其職矣御覽四百九十六桓子新論曰
余前爲典樂大夫有鳥鳴於庭
樹上而府中門下皆爲憂懼後
余與典樂謝侯爭鬪俱坐免去

丞

東觀漢記丞一人劉德徙大鴻臚丞考按藩國遺事丞

行劉澤與燕王旦給謀青州刺史掇不疑收捕澤以聞

天子遣大鴻臚丞治

哀帝治中山太后事丞相長史大鴻臚丞雜治

大行令丞

當周行人晉有行人子員子朱

狐庸伍有董爲吳行人

鄭公孫揮

陳干徵師皆是東觀漢記大行丞一人有治禮員四十

七人按蕭望之以御史屬爲大行治禮丞平當亦爲治

禮丞則大行丞卽治禮丞也列侯薨大行奏諡誄策掌

其母妻封號

稀侯金賞襲爵上母南大行爲太夫人

譯官令丞

周官象胥鄭云通夷狄之旨者宣帝許烏孫尙少主舍

上林中學烏孫言然則橐街皆有譯人也周堪爲譯官
令

別火令丞

論語集解馬融曰周書月令有更火令按月令解無其
事司燿注鄭司農說以鄒子曰春取榆柳之火夏取棗
杏之火季夏取桑柘之火秋取柞櫜之火冬取槐檀
之火與馬氏引淮南時則訓春服八風水爨其燧火夏
作周書者不同淮南時則訓春服八風水爨其燧火夏
服八風水爨柘燧火秋同夏冬爨松燧火疑彼爲漢改
火之制也

郡邸長丞

太守詣京師及長吏上計貢士皆寄於此

朱買臣待詔
常從會稽守

鄜者守居飯食及拜爲太守上誥據史守丞相推排陳
列中庭拜謁丙吉治巫蠱郡鄜獄皇曾孫在郡鄜獄

川文文

宗正

以宗姓爲之凡諸劉疏屬皆復勿事掌其名籍藩國有
罪與有司按驗高后時劉郢客始爲之表多闕其人疑
不常置亦加中朝官

劉更生擢爲散騎宗正給事中
更生祖父辟疆父德世爲宗正御

覽

二百

石氏星經曰宗正二星在帝座東南

丞

劉德昭帝初爲宗正丞雜治劉澤詔獄

都司空令丞

墨子號令諸吏率民非其部界而擅入他部界輒收以

屬都司空若侯都司空領徒役故有獄自來已然竇太后所云司空城旦書也竇嬰刻繫都司空梁丘賀爲都司空令北堂書鈔刑獄門漢舊儀司空詔獄治列侯二千石

內官長丞

律歷志所稱職在內官者此也眭孟使友人內官長上書言災異伏誅隆慮公主子昭平君醉殺主傅獄繫內官

公主家令

飛燕外傳飛燕流轉長安與陽阿公主家令趙臨共里

巷

門尉

墨子號令有門尉蓋領吏卒司門也說苑尊賢宗衛相

齊遇逐罷歸召門尉田饒

韓詩外傳作陳饒齊策作田需

等二十有七

人而問焉公主又有傳僕射及諸署長

詳後書

東觀記曰

公主薨無子置傅一人守其家

大司農

本治粟內史管子小匡辟土聚粟臣不如甯戚請立爲

大司田周官太府鄭注太府爲主治藏之長若今司農

矣漢始以韓信爲治粟都尉元封九年桑弘羊爲治粟

都尉領大司農則以軍官兼卿職也王莽於平帝時改
義和則劉歆爲之後改爲納言有納言將軍嚴尤漢制
凡公用始度大司農錢乘與供養不與焉武帝比歲擊胡大司農陳
藏錢經用賦稅既竭不足以奉戰士於是鹽鐵酒榷令
民買爵一切之政行焉哀帝時毋將隆奏言武庫兵器
天下公用國家武備繕治造作皆度大司農錢

丞

表云兩丞者一是丞一是中丞如御史兩丞也鄭當時

進言東郭咸陽孔僅爲大農丞領鹽鐵事

此於常員外增置故下云

鹽鐵丞孔

僅咸陽也桑弘羊爲大司農中丞管諸會計事

弘羊幹天下鹽

鐵又請大農部丞十數人分部主郡國

宣帝時朱邑舉賢良爲大司農丞

又大司農中丞耿壽昌令邊郡皆築倉以穀賤時增買
糴穀貴時減買糴曰常平倉元始元年置大司農部丞
十三人人部一州勸農桑卓茂爲京部丞

太倉令丞

漢初漕轉關東粟給中都官歲不過數十萬石武帝時
桑弘羊請令民入粟補吏贖罪大農部丞各致粟山東
漕歲益六百萬石太倉甘泉倉皆滿淮南時則訓二月
官倉

均輸長丞

桑弘羊領大農郡國各置均輸官令遠方各以其物如

異時商賈所轉販者爲賦而相灌輸一歲中諸均輸帛至百萬匹鹽鐵論始元六年詔書問民間疾苦文學曰願罷郡國鹽鐵酒榷均輸大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠方之貢故曰均輸文學曰問者郡國或令民作絮布吏留難與之爲市吏之所入非獨齊陶之縑蜀漢之布也亦民間之所爲耳而行姦賣乎農民重苦女紅再稅未見輸之均也按周書大聚解市有五均阜專如一送往逆來振乏救窮此文學所云古之均輸齊勞逸而便貢輸者也黃霸以馮翊二百石卒史

察廉補河東均輸長王莽又於長安及五都立五均官
平準令丞

鹽鐵論大夫曰開委府於京以籠貨物賤卽買貴卽賣
是以縣官不失實商買無所牟利故曰平準平準均輸
所以平萬物而便百姓文學曰縣官猥賤闔門擅市則
萬物並收萬物並收則物騰躡騰躡則商買牟利自市
牟利自市則吏容姦豪而富商積貨貯物以待其急輕
賈姦吏收賤以取貴未見準之平也

御覽二百三十二
釋名曰平準令主

染色色有常平之法準的之直辨云主平物
價使相準依按續志後此以其暑兼染采色趙廣漢舉
茂材爲平準令管子山權數曰軌守其數準平其流義

本於彼也

都內令丞

主藏泉布若周官之外府泉府矣鄭司農云故書泉作錢武帝募民田南夷入粟縣官而內受錢於都內元帝時都內錢四十萬萬尹翁歸以緡氏尉遷都內令

籍田令丞

古者天子躬秉耒藏帝籍之收於神倉

周語廩於籍東南韋昭曰廩御

廩一名神倉謂爲廩以藏王所籍田以奉柔盛周官甸師疏云甸徒三百人時多者天子籍田千畝借此三百人耕耨故多也按春秋御稟災卽此文帝感賈誼言始開籍田躬耕以勸百姓通典吉禮舊儀云春始親耕於籍田官祀先農以一太牢百姓皆從賜三輔二百里孝悌力田三老

種百穀萬斛
爲立籍田倉

幹官長丞

武帝時置蓋以幹鹽鐵之數王莽時羲和魯匡上言名山大澤鹽鐵錢布帛五均賒貸幹在縣官惟酒酤獨未

幹

昭帝時
罷酒酤

請官作酒羲和置命士督五均六幹每一幹

爲設科條防禁犯者罪至死

幹與筦同後書
隗其傳作筦

管子山國

軌曰鹽鐵之筴足以立軌官殆此義也

諸倉長丞

桑弘羊令民入粟甘泉倉張敞以太守卒史察廉爲甘泉倉長郡國皆有之淳于意爲齊太倉長史記所謂倉

公

農官長丞

武帝令水衡少府太僕大農各置農官卽郡縣沒入田
田之其末年搜粟都尉趙過教田太常三輔鹽鐵論文
學曰公家有鄣假之名而利歸權家三輔迫近三河地
狹人眾四方並臻粟米薪菜不能相澹公田轉假桑榆
菜果不殖地力不盡

監都水長丞

少府上林三輔者各自屬其寺此郡國都水官屬於大
司農

鹽官長丞

左傳海之鹽蜃祈望守之管子海王之國謹正鹽筴萬乘之國人數口千

按下文當爲百萬也

禹筴之商日二百萬十

日二千萬一月六千萬月人三十錢之籍爲錢三千萬

鹽鐵論大夫曰鼓金煮鹽其勢必深居幽谷而人所罕至姦猾交通山海之際恐生大姦乘利驕溢敦樸滋僞則人之貴本者寡大農丞孔僅等上請願寡民自給費因縣官器煮鹽鐵子用以杜浮僞之路食貨志孔僅咸陽乘傳舉行天下鹽鐵作官府除故鹽鐵家富者爲吏按地理志鹽官在郡國者三十有七

文獻通考十五言鹽官凡二十八郡

非者

鐵官長丞

出鐵之山三千六百九管子鐵官之數如鹽筴史記自

敘司馬昌爲秦始皇鐵官則先已有之桑弘羊領大農

郡國各置鹽鐵官

郡不出鐵者置小鐵官使屬在所縣文獻通考鐵官凡四十郡按表稱六

十五官長丞其數已過之蓋郡國鹽鐵之小者屬在所郡縣也趙國以冶鑄爲業趙王

彭祖數訟鐵官事

以官奪其利

鹽鐵論大夫曰故扇水都尉

彭祖甯歸言鹽鐵令品甚明卒徒衣食縣官作鑄鐵器

給用甚眾賢良曰往者卒徒工匠父子戮力各務爲善

器農事急輓運衍之阡陌之間民相與市買得以財貨

五穀新弊易貨或實民不棄作業令總其原一其賈善惡無所擇吏不在器難得遠市田器則後良時賈貴不便或木耕手耨鐵官賣器不售或頗賦於民公卿奏曰賢良文學不明縣官事猥以鹽鐵爲不便請且罷郡國榷酤關內鐵官奏可元帝初元五年罷鹽鐵官永光三年以用度不足復鹽鐵官

駛粟都尉

廣韻駢騁蕃中大馬他處皆作搜蓋伐匈奴所置而後以會計爲常職也

李廣利伐大宛上官桀爲搜粟都尉有功遷少府此表所云軍官

桑

弘羊趙過等爲之昭帝時燕王旦上書言大將軍長史

楊敞無勞爲搜粟都尉

丞

都尉趙過教民爲代田一晦三剛民或苦少牛故平都令光教過一人輓犁過奏光以爲丞

農都尉

元鼎中上郡朔方西河河西

武威張掖四郡

開田官斥塞卒六

十萬人戍田之使田仁護邊田穀於河上此農都尉所由置也亦領大司農鹽鐵論大夫曰北邊置任田官以澹諸用文學曰邊郡山居各處寒凍裂地衝風飄鹵沙石凝積地勢無所宜轉倉廩之委飛府庫之財以給邊

民中國困於繇役邊民苦於戍禦謂此也元帝時在位

諸儒言北假田官可罷王莽傳五原北假青樓殖穀續志云邊郡置

農都尉馮參為上河農都尉班況亦為上河農都尉大

司農奏課連最

關都尉

周官有司關周語曰敵國賓至關尹以告抱朴子云老

子西遊遇關令尹喜於散關為書著道德經御覽八百三十

六關令傳曰徐甲見老子方欲遠遊疑遂不還乃作辭

詣關令求直此則關都尉之職也漢拜甯成為關都尉

關吏稅肆即國出入關者漢霍光以為函谷京師之故

曰甯見乳虎無直甯氏之怒

以丞相弟爲關都尉按漢以函谷關外爲關東故賈捐之言天下之大者獨有關東凡出入關皆以傳終軍入

關關吏予軍繻

張晏曰繻符也書帛裂而分之若券契矣

還當以合符軍曰

大丈夫西遊終不復傳還弃繻而去然則關外人以事入關所在郡縣爲移過所關吏按驗乃予符出則復合之也文帝嘗除之景帝復用此此秦法商君亡至關下欲舍客舍曰商君之法舍人無驗者坐之又穰侯到關關閱其寶器卽甯成傳所謂稅肆矣武帝太初四年徙弘農都尉治武關稅出入者以給關吏卒食蓋移郡都尉爲關都尉如函谷關

武功爵

附

食貨志大司農陳臧錢經用既竭不足以奉戰士請置
賞官名曰五武功爵凡十一等

造士

閑輿衛

良士

管子小匡二千人爲旅鄉良人率之

元戎士

司馬法天子之義簡周曰元戎先良也

官首

諸買武功爵官首者試補吏先除功臣元康四年灌嬰
曾孫長安官首匿詔復家按黃霸以待詔入錢賞官補
侍郎謁者是也

秉鐸

周禮兩司馬執鐸功臣表元康四年陸量侯須無曾孫
秉鐸聖詔復家

千夫

志云千夫如五大夫其有罪又減一等

此謂千夫得復
錄役而有罪減

二等公楊僕以千夫爲吏
之勳也

樂卿

秦以客卿爲爵商子境內篇客卿論盈就正卿樂卿其
類耳爵得至樂卿

執戎

漢書疏證卷四

浙江書局刊

王拱辰校

宋元煦校

褚德儀校